

潔珊先生鑒存

王穆孫持來云陸公立失後裔所送

文節公奏議上

陸

文

節

公

奏

議

沔陽盧
氏慎始
基齋栞
于都門

吾邑盧木齋丈改革以還養晦析津悼世俗之衰頽緬鄉賢
之懿美慨然以表章文獻啟道方來爲己任其介弟慎之悉
心贊助勤蒐博討次第成書無慮百數十種前刊湖北先正
遺書風行海內見者詫若琬琰天球近復得陸公奏議釐定
五卷付梓

瑞驛

忝參勘校旣竣役慎之先生命爲一言綴其

端因不獲固辭而妄有述焉竊維湖北自古爲太邦長江蜿蜒
西來首尾橫貫千餘里漢水歷鄖襄東至夏口匯流亦至
千里南控洞庭綿互荆巴諸山川原泱泱吐納萬象當必有
瑰瑋特達之士翊世運而匡國家者生於其間遠者勿論如
明之張江陵爲相綜核名實中夏奠安熊襄愍經略遼瀋強
敵寢兵周吏部委蛇內廷天啟初政稱善楊副憲手疏闡璫
之罪繫斃圍扉賀文忠痛宗社之亡沈湖而死非所謂瑰瑋

特達之士翊世運而匡國家者與而江陵之才則尤爲不可
及已陸公英雋具幹略嘗思效法江陵其鎮兩江也宏開賓
館延致魁儒碩彥容接訪問排比鉛槧揆摛文雅治鹽治漕
治河剗舊弊建新規費省而用裕事舉而民紓謀慮既定剴
切上陳或始請而不獲疏至於再至於三四所持益堅或意
以爲不便雖天子詔之部臣諷之必反覆申辨剖析毫芒冀
其覺悟不以小有阻撓而遽變初衷不顧人之陰伺而遲疑
首鼠卒之天子徐迴視聽下令施行寵眷優渥倚爲股肱心
膂之寄此與江陵之勇果救時敢排衆議何異也及軍事之
興挺孤身扞蔽危疆展轉矢石不克殲敵慷慨成仁朝廷獎
於讒說罪加處分追奪官階籍沒家產賴賢者爲之昭雪遂
子褒錄而謗猶未止則又與江陵之生後爭相搏擊蒙禍甚

烈俱令人痛恨太息也雖然江陵輔弼廟堂委各邊守禦於將帥耳離金鼓之音令終私邸公值長髮鳴張親率師杖戈奮決困蹙圍城殘支體以殞其晚節遭際之厄則非江陵所可同日語者才與志一也而道有行有不行業有就有不就得不謂之命也耶

瑞驛

嘗橐筆金陵登鍾阜石城遐想昔時

湖山晏樂之盛經洪楊之凶狡虔劉百物蕩爲灰燼因憶公蹈死赴義之慘輒唏噓嘆慕不置欲問其軼事而耆老盡矣迨走奉天聞丹徒陳善餘師就聘江南志局纂輯故典度公宦績宜在收采之列迺馳書乞爲裁誣存實藉良史而論定並以監利王柏心所撰公墓誌銘進而武昌變起塵世滄桑金陵屢被鋒火未遑撰述師已歸隱上皇書之成否竟不可知矣今觀茲編不啻爲逃空虛者之聞人足音飢渴者之忽

遇飲食欣喜之情能勿動於中乎蓋兩先生匪獨傳其文且以著其才與志而推揚大節別白是非以塞隱詞垂直道磨頑厲鈍吐忠藎之氣則尤兢兢難已之忱也陸公之靈爽可以稍慰兩先生之風流亦將沾逮於無窮韓昌黎云發潛德之幽光其於斯見之夫歲在丙寅夏五月十八日丁亥歐陽瑞驂謹序

陸文節公奏議序

士君子生多亂之秋肩天下之鉅任不幸志與時忤顛蹶以死猶蒙詆不已者抑何遭際之可悲也道光末葉海內晏息大臣泄沓不爲綢繆未雨之謀文恬武嬉養奸滋慝綠營勇弁驕惰畏蕙朝無宿將士不知兵洪楊崛起嘯聚五嶺如鸞鳥猛獸僥悍迸發不可制吾鄉陸公立夫時總督兩江在豐河工次聞洪楊將出洞庭窺武漢順流而下慮糜爛東南請躬率一旅禦之贛鄂間厥志壯矣及師潰武穴九江不守安慶繼陷公猶收殘卒防梁山柰同僚齟齬勢孤無援支持危城力竭身殲媚嫉鄙夫妄肆詆譏豈始事時所及料哉使公不越境討賊稍俟時會之推移中興彪炳之業未必讓曾胡左李諸賢惟其勇於自任踔厲直前欲以忠義爲一世倡冒

洪波犯巨浪率疲茶之卒過方張之寇而險談之人又伺隙
左右此所以崩決覆壤捐軀委命抱恨於無窮歟嗚呼先軫
喪元孟明挫師成敗利鈍兵家之常非盡由人謀之不臧君
子於此畧迹原心庶亮節孤忠不含冤於地下此則知人論
世者所宜知也公少負令譽早躋清班才氣開敏有經世宰
物之量由侍讀觀察天津英人構釁籌辦海防洞協機竅聲
名震襍內外旋擢雲南巡撫未逾年移節江蘇開府金陵當
時漕鹽河三者爲江南大政利之所在弊亦叢焉公蒞事以
來銳意整飭於漕則改從海運平均糧戶之輸納減省旗丁
之幫費於鹽則踵陶文毅成規推行票鹽於淮南河務則核
實工程嚴杜浮濫力返不肖員司冀倖侵蝕之爲凡國裕民
便不憚敝慮焦思綜理疏剔宏纖畢盡厥效昭著設遭值承

平雍容華貴坐躋臺閣直指顧間耳乃強寇未滅而大星忽
隕伸之於前抑之於後深可慨也靖曩念公政績炳蔚雖末
路蹉跎不應無一言以垂後每從朋好訪公遺文鈔得公奏
議若干篇重加理董都爲五卷鋟木以行公之治鹽治漕治
河三大政差具於是他端並可考覽而囂囂謗口亦將同於
蚍蜉之撼矣是則所以慰既往而詔方來也丙寅六月盧靖
謹序

陸文節公奏議目錄

卷一 道光二十六年

查明銅廠情形及現辦緣由摺

賀長齡等飭令卸事廠員趕緊結報片

請留滇省減平銀兩解京糜費抵撥俸餉摺

查明滇省銀價及用銀錢情形請悉照舊章摺

查辦大小猛統地方游匪滋事及籌撥經費摺

辦理清查銅務虧欠及採買接運片

卷二 道光二十七年

酌議推廣捐輸米石章程摺

壁昌等捐米兼收稷秬並擬暫存津倉待運片

壁昌等招商運米請照順天府捐輸成案辦理片

驗收徒陽運河工程並催提重運漕船渡江摺

飭查旗丁幫費及大小戶包戶情弊片

壁昌等陳明緩挑薔薇河及飭估包家河緣由片

籌議辨認在洋船隻情形摺

奏覆密勘泖湖等處設防情形摺

確查江浙奏報緩征情形摺

會議籌防泖湖等處情形摺

籌議江蘇漕務河海並運摺

籌議海汴等境六塘河隄經久事宜摺

蘇松泰三屬漕米全由海運酌定辦理章程摺

查明蘇松泰三屬海運米數及續議章程摺

李星沅等節省旗丁銀米補足運額片

李星沅等密陳天津吏胥通倉經紀阻礙運米情形片
李星沅等辦理赴豫捐米俟春起運片

卷三 道光二十八年

續籌海運未盡事宜摺

李星沅等請海運各沙船援照成案免稅片

奏報海關夷稅關期屆滿摺

奏報海運漕糧全數兌竣一律放洋摺

李星沅等陳明收買餘米交兌情形片

酌籌整飭外海水師章程摺

奏請章練塘移駐文武官兵摺

臚陳江蘇洋面情形摺

卷四 道光二十九年

奏明辦理漕折情形摺

嘉定等處折征辦法擬請他屬仿行片

遵照舊約辦理英夷善後事宜摺

陳明兩淮離務情形片

陳明保護淮揚二府各地堤埧片

奏陳河工大略情形摺

覈明江蘇省倉庫虧墊各數籌議追補章程摺

奏明查辦浙江洋面盜首及擊擒盜船情形摺

酌籌上海通商經費並增設要卡摺

陳明淮南離務積弊情形片

籌辦回空情形摺

酌擬減黃地方並清江添塘及辦理下河堤埧摺

督辦黃河下游草填片

卷五 道光三十年 咸豐元年

改辦淮南鹽務摺

查覆江蘇保甲社倉情形摺

請展緩進堵豐北壩工摺

附改行淮南鹽務諭

陸文節公奏議目錄

卷五

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

奏為

陸文節公奏議

卷一

查明銅廠情形及現辦緣由摺

奏爲查明銅廠情形及現辦緣由恭摺奏祈聖鑒事竊臣於本年二月中旬請訓時疊蒙恩諭滇省銅務最爲吃緊京運遲滯尤於鼓鑄有關飭令實心辦理勿稍鬆懈臣跪聆之下仰見聖主權衡銅政慎重圖法之至意抵任後卽與藩司悉心講求並函詢督臣賀長齡現在廠情以及利弊之所在卽接見各僚屬亦博訪周諮合以歷年舊案參互比觀滇南本係產銅之區其始歲供京外所需定額不過四五百萬斤逐漸增加至於一千餘萬斤內京運卽需六百餘萬斤議者謂攻採太甚未免洞老山空不思天不愛道地不愛寶誠如聖